



18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44

吉430
8546

吉490.30
854

印-18





金石文鈔

卷八目錄

江南涇縣趙紹祖琴士手輯

唐梓州刺史長樂縣開國公贈吏部尚書

馮公神道碑 無年月正書

唐潤州大泉寺新三門記 開成三年十一月行書

唐基公塔銘 開成四年五月行書

唐三藏大遍覺法師塔銘 開成四年五月行書

唐寂照和上碑銘 無年月正書

唐圭峯禪師傳法碑 大中九年十月正書



唐韓昶自爲墓誌銘大中九年十二月正書

唐劉氏太原縣君霍夫人墓誌大中正十年正月正書

唐內莊宅使行內侍省內侍贈左監門衛

將軍劉公墓誌銘咸通九年十一月正書

唐修文宣王廟記咸通十一年三月正書

唐李克用北嶽廟題名中和五年二月正書

唐內樞密使吳公墓誌中和二年十一月正書

右卷八凡十二碑門人
左望令問
鄭泮聖林校

金石文鈔 卷八

江南涇縣趙紹祖琴士手輯

唐馮宿神道碑

大唐故銀青光祿大夫檢校禮部尚書使持節

梓州諸軍事兼梓州刺史御史大夫充劔南東

川節度副大使知節度事管內觀察處置靜戎

軍等使上柱國長樂縣開國公食邑一千五百

戶贈吏部尚書馮公神道碑銘 并序 銀青光

祿大夫守工部尚書充皇太子侍讀兼判太常

卿事上柱國晉陽縣開國子食邑五百戶王起
撰 翰林學士朝議大夫守諫議大夫知制誥
上柱國河東縣開國男食邑三百戶賜紫金魚
袋柳公權書并篆額

維唐開成元年歲在執徐十二月三日檢校禮
部尚書東川節度使長樂公享年七十薨于位
天子不視朝一日贈以天官之秩是月公之喪
歸于西都其來也梓潼之人如亡頤復其至也
京師之人咸嗟殍瘁其親戚號于中唐而隣里

感其朋友慟于外寢而縉紳弔咸以公孝友忠
信清廉正直寬仁偉度可以韜當世弼諧遠略
可以經大邦而位不充量才屈於算斯所以感
人深矣其明年五月克葬于京兆萬年縣崇道
鄉白鹿原從先人塋禮也既葬其孫纍然泣血
下有勲伐德善之狀請闕一於文闕一此石云

公諱宿字拱之龔州長樂人漢光祿勲奉世廿
五代孫也自光祿勲立功於漢其下十四葉立
國王燕是謂昭皇帝其下七葉至五代祖周烏

金石錄
卷八
氏侯諱早惠

關一

隋爲隰州司

關一

皇朝爲婺

州長山令長山生高祖婺州紉曹掾諱文儉紉
曹生曾祖茂才高第梧州松陽令諱道儀松陽
生大父文林郎宋王府記室叅軍贈禮部員外
郎諱嗣員外生先府君南昌令新安郡長史贈
尚書左僕射諱子華咸以茂德光耿史諫僕射
天寶中明皇以四子列學官時與計偕一鳴上
第歲噐不獲以孝節聞享年八十累贈尚書左
僕射先妣彭城劉氏皇成都府叅軍沔之女嬪

則母範惟家之肥累贈彭城郡太夫人公即僕
射之元子也竒偉倜儻與人誠直言無詭隨行
不苟合望之也長戟森於武庫即之也大珪植
於瓊田卅歲侍僕射府君廬于員外府君之墓
左有靈芝產于壤隧白兔獲于松價府君惡其
顯異抑而不言識者咸謂純孝殊祥又重之以
陰德其門必大也弱冠以工文碩學稱年廿六
舉進士是時明有司即兵部侍郎陸公贄其人
也又應宏詞科試百步穿楊葉賦雖

關一

勢奪

而其文至今諷之後生以爲楷已而有志於四方歷東諸侯爲彭門僕射張公建封所噐異因表爲試太常寺奉禮郎充節度巡官張公傑邁簡達尊賢禮能幕府始建羣彥翹首與公同升者李藩韓愈之倫皆諸侯之選及公曳裾之闕字有置醴之遇某書檄奏記云皆專焉及張公寢疾公常出入卧內獻替戎事一軍感其誠明迨其薨落也武夫感義問里懷慕蚩蚩洵洵無師乃亂立其子情稱留後焉未王命也先是李

師古之叛也其將李侑以徐方効順至是師古將伐有喪且復故地公內則整訓叛徒明利害之鄉外則移檄敵人示逆順之理卒能寢師古之謀遏徐方之亂衛監戎於鋒刃之上免闔境於磔裂之勞公之力也而終身杜口不言定徐之功議者高其不伐及德宗以情得衆因而善之表公爲留後判官試金吾衛兵曹公以危邦是戒倚門方切乞歸江左以奉色養已而越師潛章請寘闔幄授大理評事徐之軍吏惜公之

去也闕一守公職者害公之能也合爲他誣貶

泉州司戶公得喪不形以詩書自娛歲餘移闕一

字州司戶太夫人終堂薦慕柴毀阼於滅性喪

復常從事浙右徵拜憲府監察歷太常博士凡

爲國家定謚皆闕一善貶惡不吐不茹時人偉

其文而與其直遷虞部員外郎丁先府君艱樂

棘在疚哀禮皆極既祥除都官員外郎憲宗時

與元濟以淮西叛詔相國裴公東征於是妙選

廷臣爲幕中闕一由是表公爲彰義軍節度判

官於是有朱紱銀章之錫淮西平疇勞報功拜

比部郎中爲持權者所忌會韓文公愈以京師

迎佛骨上疏切諫忌公者因上之怒也誣公實

爲之出刺歙州先是中書舍人跌僉謂公之述

作動合暮訓綸言之任旦夕待遷及一麾出守

羣情大駭公則神怡闕一暢視虧若成此則老

氏之齊寵辱令尹之無愠喜也在歙周歲鋤兼

并活矜寡有襦袴誰嗣之譏徵拜刑部郎中遷

兵部郎中知制誥時問罪河朔書命疊委公應

五馮宿神道

用神速不能自休詞理典奧文采煥逸大凡六
 百餘章為染翰者程準天子以深州刺史牛元
 翼納忠効順詔除襄州節度使時重圍不解宋
 亳上游舟車四會人虛闕二弛素由之因思文
 武全德姑攝其任上曰侍臣有魁岸奇表珥貂
 蟬者為誰丞相以公對上曰峴南留務斯人可


闕一字

爰命金節紫綬官相

以下漫漶可讀

右馮宿碑王起撰柳公權正書後半漫漶
 不復可讀而前半所載與新舊書互有詳

略故錄之按舊史稱宿為東陽人新書曰
 婺州東陽人而碑云冀州長樂人碑後半
 已缺其所記子孫不可知新書曰子圖大
 中時終戶部侍郎而此碑書宿之葬在開
 成二年五月又云既葬其孫纍然泣血請
 文不言其子而言其孫何也甲寅四月十
 日趙紹祖識



唐大泉寺新三門記

令天可學

大唐潤州句容縣大泉寺新三門記

并序

鄉

貢進士姚謩撰 當寺沙門齊操書

句曲之東寔曰崙峯居峯之陽厥生大泉寺因泉而題焉後劉宋開明二年有邑令顏繼祖捨宅移寺南去泉五里而遙年代濶遠碑記埋沒粗所詳者乃顏氏十三代孫今寺之惠誠也大和初監寺僧惠明與寺僧道琳等見三門破壞乃言於衆曰此教東流設象爲法牢落如是瞻

仰可依乃請今寺主僧常誼昔振于是者戮力
誓心慕緣祈化如響斯應人咸歸之遠近趨走
投施香積筭財度費功用果足乃革舊制恢新
謀延袤縱廣中闕無改自大和庚戌至于癸丑
凡七年厥功告成崇軒峨峨三闔其門飛簷翼
張丹栱霞煖矧茲寺以重崗疊嶺架入崖谷行
樹蔥翠煙蘿蒙密雲收霧卷宛若仙闕俾得道
者同指歸於覺路由徑者詎深著於迷途非我
師之志誠其孰能逮於此今天下學佛道者多

宗旨於五臺靈聖蹤跡往往而在如吾黨之依

於

聖門也誼本鄭人冠歲因往遊焉遂剃髮於

五臺金閣寺元和再歲乃於渭州龍興寺依年
具戒振錫經行見色相之皆空識衣珠之無價
又六年始到江南初止於近寺蘭若其明春又
之嶺南詣禪訪道酌水步雲心契如期不遠千
里十一年還至茲寺初寺每有僧俗大會五十
餘衆彌曰龍華常患錡釜之器不周於用物有
所闕人多告勞誼乃發願鑄一大鑊求布金之

長者得鎔範之良工歸依一念之間成就堅牢之質濩落有用碩大無朋使天人畢會於龍花香積普沾於法味由此故也寺衆僉曰誼實有力於寺者非宿習德本沾諸善緣豈能誘掖羣心終成喜捨大和初歲乃聞諸府邑請繇名焉繇是三門荐興功致一貫則誼之行業前脩推可鏡矣人有語余於師爲文者誼因錄所載請識門焉寺之脩新記詳矣辭曰

寺之興大泉是生鬻沸猶在既温且靈寺之移顏氏之基宋室舊邑棄野離離寺之終誼實是工大鼎渠渠三門崇崇煙霞棟梁松桂香風周迺巖壑警迷其鐘文入于石播之無窮

開成三年歲次戊午十一月乙卯廿六日庚辰立記勾當功德主寺主僧常誼 西河郡樂宏

慶鏤并

闕一字

右大泉寺新三門記姚謩所撰文不足觀而沙門齊操書頗濶綽可喜內弟倪台元字階平同邑諸生也丙辰之春以檢舊書

金石錄卷八
得此本見寄余以其文無可採取欲置不
錄甫及冬而台元歿矣念之愴然不能自
已因取而復錄之聊以自遣其悲且慰故
人於泉下耳然亦此碑之幸也嘉慶二年
三月琴士趙紹祖識

唐基公塔銘

大慈恩寺大法師基公塔銘

并序

朝散大夫

檢校太子左庶子使持節金州諸軍事守金州
刺史兼御史中丞輕車都尉賜紫金魚袋李宏
慶撰

按吏部李侍郎又碣文法師以皇唐永淳元年
仲冬壬寅日卒於慈恩寺翻譯院有生五十一
歲也後十日陪葬於樊川元奘法師塔亦起塔
焉塔有院太和二年二月五日異時門人安國

金石文錄 卷八
寺三教大德賜紫法師義林見先師舊塔摧圯遂唱其首率東西街僧之右者奏發舊塔起新塔功未半而疾作會其徒千人盡出常所服玩洎向來箕歛金帛命高足僧令檢俾卒其事明年七月十三日令檢奉行師言啓其故塔得全軀依西國法焚而瘞之其上起塔焉又明年十月賫行狀請宏慶撰其銘予熟聞師之本末不能牢讓師姓尉遲諱某字宏道其先朔州人累世以功名致爵祿先考宗松州都督伯父鄂國

公國初有大勲力宏道身長六尺五寸性敏悟能屬文尤善於句讀凡經史皆一覽無遺三歲法師元奘者多聞第一見宏道頗加竦敬曰若得斯人傳授釋教則流行不竭矣因請於鄂公鄂公感其言奏報天子許之時年一十七既脫儒服披緇衣伏膺奘公未幾而冰寒於水矣以師先有儒學詞藻詔講譯佛經論卅餘部草疏義一百本大行於時謂之慈恩疏其餘崇飾佛像日持經戒瑞光感應者不可勝數嗟乎宏道

其家世在朔漠宜以茹毛飲血鬪爭煞戮背義
妄信爲事今慕浮屠教苦節希聖架入其奧與
夫鄂公佐聖立國公成身退出于其類爲一代
賢人實稟間氣習俗不能染也明矣退爲銘曰
佳城之南兮面南山元裝法師兮葬其間基公
既歿兮陪其後甲子一百兮四十九碣文移入
兮本寺中曇景取信兮田舍翁義林高足兮曰
令檢親承師言兮精誠感試具畚鍤兮發元堂
全身不朽兮滿異香銘誌分明兮是宏道齒白

骨鮮兮無銷耗瑞雲甘雨兮晝濛濛神祇悲宰
兮羅壽宮依教茶毗兮得舍利金甌盛之兮埋
厚地建塔其上兮高巍巍銘勒貞石兮無媿辭
深谷爲岸兮田爲瀛此道寂然兮感則靈
左街僧錄勝業寺沙門體虛 前安國上座沙
門智峯 右街僧錄法海寺賜紫雲端 安國
寺上座內供奉內外臨壇大德方璘 寺主內
供奉灌頂 都維那內供奉懷津 院主曇景
同勾當僧懷真 德循 惠臯 惠章 興教

寺主座惠温 寺主超願 都維那全契 僧

道榮 僧道恩 僧瓊播 義方 巡官宋元

義安國寺內供奉講論大德建初書

開成四年五月十六日講論沙門令檢修建因

右基公塔銘李宏慶撰沙門建初書碑首

云按吏部李侍郎父碣文是基公卒時已


有墓碣今不可得而見矣碑序基公先世


而云先考宗松州都督伯父鄂國公國初

有大勲力因知尉遲敬德尚有弟宗曾官

松州都督而史不為附載非此碑之傳宗

其湮哉癸丑五月趙紹祖識





大唐三藏塔銘

大唐三藏大遍覺法師塔銘 并序 朝議郎檢

校尚書屯田郎中使持節洛州諸軍事守洛州

刺史兼侍御史上柱國賜緋魚袋劉軻撰

歲丁巳開成紀年之明年有具壽沙門曰令檢

自上京抵洛師以縹囊盛三藏遺文傳記訪余

柴門于行修里且曰聞夫子斧藻羣言舊矣詎

直專聲於班馬能不為釋氏董狐耶抑豈不聞

貞觀初慈恩三藏之事乎敢矢厥來旨云三藏

事跡載國史及慈恩傳今塔在長安城南三十里初高宗塔於白鹿原後徙于此中宗製影贊謚大遍覺肅宗賜塔額曰興教因爲興教寺寺在少陵原之陽年歲寤遠塔無主寺無僧荒涼殘委游者傷目長慶初有納衣僧曇景始葺之大和二年安國寺三教談論大德內供奉賜紫義林修三歲忌齋于寺齋衆方食見塔上有光圓如覆鏡道俗異之林乃上聞乃與兩街三學人共修身塔兼礮一石於塔至三年修畢林乃

化遺言於門人令檢曰爾必求文士銘之檢泣奉遺教直以銘爲請非法亂之家嫡誰何至此乎軻三讓不可乃略而銘之三歲諱元奘俗陳姓河南緱氏人曾父欽後魏上黨太守祖康北齊國子博士父惠英長八尺美鬚眉魁岸沉厚号通儒時人方漢郭林宗有子四人奘其季也年十三依兄據出家於洛屬隋季失御乃從高祖神堯於晉陽俄又入蜀學攝論毗曇於基暹二法師武德五年受具於成都精究篇聚又學

成實於趙州深學俱舍於長安岳於是西經前
來者無不貫綜矣初中國學者多以實相性空
通貫羣說俾彖象蹄筭往往失魚兔於得意之
路至於星羅碁布五法三性拚秋毫矢名相界
地生彙各有攸處曾未暇也大遍覺乃興言曰
佛理圓極片言支說未足師決固是經來未盡
吾當求所未聞俾跛眇兒視履必使解行如函
蓋始可爲具人矣且法顯智嚴何人也猶能孤
遊天竺而我安能坐致耶初三歲之生母氏夢

法師白衣西去母曰何去曰求法貞觀三年忽
夢海中蘓迷盧山遽凌波而入乃見石蓮波外
承足山險不可上試躡身騰蹕颯然颺舉升中
四望廓澈無際覺而自占曰我西行決矣至涼
州都督李大亮防禁特切逼法師還京法師乃
宵遁渡瓠蘆河出玉門經莫賀延磧艱難險阻
仆而復起者何止百十耶自爾涉流沙次伊吾
高昌王麴文泰遣貴臣以駝馬逐法師於白力
城王與太妃及統師大臣等尊以師禮王親跪

金石錄 卷八
三
於座側俾法師躡肩而上資贈甚厚送至菜護
可汗衙又以廿四封書通屈支等廿四國獻花
繒五百疋於可汗稱法師是奴第欲求大法於
婆羅門國願可汗憐師如憐奴其所歷諸國爲
其王禮重多此類也自爾支提梵刹神奇靈跡
往往而有法師皆瀝誠盡敬耳目所得孕成多
聞與夫世稱博物者何相萬耶詳載如傳唯至
中印度那爛陀寺寺遣下座廿人明詳儀注者
引叅正法藏即戒賢法師也既入謁肘膝着地

舐足已然後起法藏訛所從來曰自支那欲依
師學瑜伽論法藏聞則涕泗曰解我三年前夢
金人之說佇爾久矣遂館於幼日王院覺賢房
第四重閣日供擔步羅果一百廿枚大人米等
稱是其尊敬如此法師既名流五印三學之士
仰之如天故大乘師号法師爲摩訶天小乘師
号解脫天乃白大法藏請留之法師曰師等豈
不欲支那之人開佛惠眼耶不數日東印度王
拘摩迦法師戒日王聞法師在拘摩處遣使謂

金石錄卷八
四
拘摩曰急送支那僧來拘摩曰我頭可得僧不
可得戒曰神武雄勇名震諸國乃怒曰爾言頭
可得可將頭來拘摩懼乃嚴爲軍二萬舡三萬
與法師同泝苑伽河築行宮于河北拘摩自迎
戒曰于河南戒曰曰支那何不來拘摩曰大王
可屈就王既見法師接足盡敬且曰弟子聞支
那國有秦王破陣樂乃問秦王是何人法師盛
談太宗應天順人事王曰不如此何以爲支那
主因令法師出制惡見論然小乘外道未即推

伏請於曲女城集五印沙門婆羅門等兼十八
國王觀支那法師之論凡十八日無敢當其鋒
者戒曰知法師無留意厚以爲馬橐裝餞法師
又以素疊印書使達官送法師所經諸國令兵
衛達漢境法師却次于闐因高昌商胡入朝附
表奏自西域還太宗特降天使迎勞仍制于闐
等道送法師令燉煌迎于流沙鄯部迎于沮洳
時帝在洛陽勅西京留守梁國公元齡備有司
迎待是日宿于漕上十九年春正月景子留守

自漕奉迎于都亭有司頒諸寺帳輿花幡送經于宏福翌日大會於朱雀街之南陳列法師於西域所得經像舍利等其梵文凡五百廿夾六百五十七部以甘馬負而至自朱雀至宏福十餘里傾都士女夾道鱗次若人非人曾不知幾俱胙矣壬辰法師謁文武聖皇帝於洛陽宮二月己亥對於儀鸞殿因廣問雪嶺已西諸國風俗法師皆脩陳所歷若指諸掌太宗大悅謂趙公無忌曰昔苻堅稱道安爲神器今法師出之

更遠時帝將征遼法師請於嵩之少林翻譯太宗曰師西去後朕爲穆太后於西京造宏福寺寺有禪院可就翻譯三月己巳徙宏福夏五月丁卯法師方開貝葉廿年秋七月法師進新譯經論仍請製經序并進奉勅撰西域記十二卷太宗美法師風儀又有公輔才俾法師謁緇謁襲金紫法師因以五義褒揚聖德乞不奪其志遂問瑜伽十七地義太宗謂侍臣曰朕觀佛經猶瞻天望海法師能於異域得是深法非唯法

師願力亦朕與公等宿殖所會及三歲聖教序
成神筆自寫太宗居慶福殿百寮陪位坐法師
命宏文館學士上官儀對羣寮讀之廿二年夏
六月天皇大帝居春宮又製述聖記及菩薩藏
經後序太宗因問功德何最法師對以度人自
隋季天下祠宇殘毀緇伍殆絕太宗自此勅天
下諸州寺宜各度五人宏福寺度五十人戊申
皇太子宣令請法師爲慈恩上座仍造翻經院
脩儀禮自宏福迎法師太宗與皇太子後宮等

於安福門執香爐目而送之至寺門勅趙公英
中書令褚引入于殿內奏九部樂破陣舞及百
戲于庭而還廿三年夏四月法師隨駕于翠微
宮談賞終日太宗前席攘袂曰恨相逢已晚翌
日太宗崩於含風殿高宗即位法師還慈恩專
務翻譯永徽三年春三月法師於寺端門之陽
造石浮圖高宗恐功大難成令改用甄塔有七
級凡一百八十尺層層中心皆有舍利冬十月
中宮方姪請法師加祐既誕神光滿院則中宗

金石文錄 卷八 七
孝和皇帝也請号爲佛光王受三歸服袈娑度
七人請法師爲王剃髮及滿月法師進金字般
若心經及道具等顯慶二年春二月駕幸洛陽
法師與佛光王發於駕前既到館于積翠宮終
譯發智婆沙法師早喪所天因扈從還訪故里
得張氏姊問塋壠已平矣乃捧遺柩改葬于西
原高宗勅所司公給備喪禮盡飾終之道洛下
道俗赴者萬餘人釋氏榮之三年正月駕還西
京勅法師徙居西明寺高宗以法師先朝所重

禮敬弥厚中使旁午朝臣慰問及錫賚無虛日
法師隨得隨散中國重於般若前代雖翻譯猶
未備衆請翻焉法師以功大恐難就乃請於玉
華宮翻譯四年十月法師如玉華館於肅成院
五年春正月一日始翻梵本惣廿萬偈法師汲
汲然常恐不得卒業每厲譯徒必當人百其心
至龍朔三年方絕筆法師翻般若後精力剝耗
謂門人曰吾所事畢矣吾瞑目後可以遽蔭爲
親身物門人兩泣且曰和上何遽發此言法師

曰吾知之矣麟德元年春正月八日門人元覺
夢一大浮圖倒法師曰此吾滅度之兆遂命嘉
尚法師具錄所翻經論合七十四部惣一千三
百卅八卷又造俱脰畫像彌勒像各一千楨又
造素像十俱脰供養悲敬上泐各萬人燒百千
燈贖數万生乃與寺衆辞三稱慈尊願生內眷
至二月五日夜弟子光等問云和上決定得生
彌勒內衆否頷云得生俄而去春秋六十九矣
初高宗聞法師疾作御醫相望於道及坊州奏

至帝哀慟爲之罷朝三日勅坊州刺史竇師倫
令官給葬事又勅宜聽京城僧尼送至塔所門
人奉柩於慈恩翻經堂道俗奔赴者日盈千万
以四月十四日葬于滻東京畿五百里內送者
百餘万人至總章二年四月八日有勅徙於樊
川北原傷聖情也法師長七尺眉目若畫直視
不顧端嚴若神自大教東流翻譯之盛未有如
法師者雖勝蘭澄什康會竺護之流無等級以
寄言其彬彬郁郁已布唐梵新經矣自示疾至

金石錄卷八 九
于昇神竒應不可殫紀蓋莫詳位次非上地其孰能如此乎文曰

三歲之生本乘願來入自聖胎出于鳳堆大業之季龍潛于并孺子謁帝與兄偕行神堯竒之善果度之不爲人臣必爲人師師法未足自洛徂蜀學無常師鳥必擇木跡窮夷夏更討身毒寺入爛陁師遇尸羅王逢或日論得瑜伽瑜伽師地藏教泉府蝟螾名數蠶抽聖緒我握其樞赤惱仍豎名高曲女歸我真主主當文皇臣當

蔡梁天下貞觀佛氏以光光三歲是護是付付得其人經論彬彬梵語華言胡漢 台臣

華受御肱前席積翠飛花恩光奕奕太宗序教天皇述聖揚于王庭百辟流詠三歲慰喜靈祇介祉篋彼滕什曾無此事我功成矣我名遂矣脫屣玉華昇神睹史發棺開殮天香馥馥地位孰分神人是卜中南地高樊川氣清修塔者誰林公是營門人令檢實尸其事銘勒塔旁檢眞法子 震維俞安期禮塔至因觀此行疑後人所題


安國寺內供奉講論沙門建初書

開成四年五月十六日馮翊沙門令檢修建

廣平宋宏度刻字

此唐僧元奘塔銘也舊唐書有元奘傳新唐書削之而見荅秦王破陣樂事於西域傳可謂有識按舊史稱元奘翻譯凡成七十五部碑言七十四部史卒於顯慶六年年五十六碑言麟德元年年六十九皆當以碑爲是佛自東漢入中國當時未有聞

焉晉氏東遷天下大亂羣雄割據南北遂分乃得倡其邪說鼓動一世此無怪爾唐太宗以英武之姿致貞觀之治乃亦隨波逐靡留心梵教何哉蓋由當時無臯夔稷契之臣致其君於堯舜三代之上也碑曰主當文皇臣當蔡梁天下貞觀佛氏以光嗚呼可勝歎哉丙午十月趙紹祖識碑言趙公英中書令褚引入于殿內英字下當有公字而碑脫之



唐寂照和上碑

大唐安國寺故內外臨壇大德寂照和上碑銘
并序
宣德郎守秘書省著作郎充集賢殿修

撰上柱國段成式纂

釋氏徒毗尼者雖不轍乎意地而形骸之外是
缸是輻大宅煽烘羊鹿効駕亦各也視中夏聖
人刑自墨數三千或由性戾將墨而之贖金也
將贖而之畫衣慙懼也以至蹙荔視裕未嘗犯
者信生于乎鄉可約束至顏氏子也西方聖人

設戒二百五十俾隄限身口徑出生死今言法者
殼喉舌鏘鎧其人我性錫戾垢不嘗澡雪近非
延熒或不能孕業人天也言禪者失之理圯漸
磴一念五位不及能者吾見其爲泥人若射箭
也至乎呶生死之流闌身口之岐其在毗尼乎
國初有宣聲乎毗尼寂寂然將二百年有照公
嗣焉大德号寂照字法廣族龐氏京兆興平人
父詮灌鍾府折衝鎮於咸陽馬跑泉精祠母竇氏
嘗夢禮掌塔既而有娠不嗜葷腴及產吮

而不啼愆而始誰竇氏日滋善種福塋穎碩請
介處不饑其夫許之塊然若居士之室太常之
齋也雖蚘口于牀將蠶不觸遂同謁搃持寺積
禪師始具五戒大德絲執筆年昉七歲字泰定
者伧如顛白積公異之父即畱爲童俾勤汲煬
不難離別初讀法華經五行俱下次授維摩經
俱舍論未終熱際腹三百幅衆号聖童遂毀髮
焉如匠之度木中若蠹蝸心入震火邙之其聲
虛嘶爲桴則速腐不能久持大厦故鼓地之桐

大士之種也澗梓之腹大士之聲也荆氏之林
大士之用也而猊苙號鐘一鼓殷然大歷十四
年西明寺遇方等壇試得度繇于慈悲寺初肆
四分勤不交曉即開講於海覺寺著名兩街後
弋志於涅槃經起信論功汰六塵理混四生壞
隄瀆激宗流于性或有墨守悞堦利喙三尺一
被偈苔暗草擬範固毗耶比邱不足以解疑悔
也貞元六年詔啓無優王寺舍利因遊鳳翔擅
律學者從而響臻大德規規不怠處衆如表影

惟宜矣或珥多羅菜者鉢蒲萄蓐者不病面而
鑑壁者染瓜而半月形者悉慙由右門而出也
十年春將夏于清涼山清涼山鼻珠大士是司
鱗長遊之不誠必有疾雷烈風大德胫趺膜拜
終日不息見若白構而梁闕散而釭虞乳剽
於霓末戟網榭於曦表其光大而縵直細而螢
滴詭狀雲乎瞥影電燧千變萬化不可窮極居
山雪首者驚曰自有此山未有此相由大德行
潔誠著也因屢及蔚州入到此山險如楞伽勢

如高陟榭檜駢植衢柯四布夏籟所及百雉苔色其下楊卑夜千緜攀芊芊相傳云普賢地也大德望釐一礼五雲觸石越一年之大白復賓于彌止法會福慶寺往來於渭濱郿塢間十餘年後教授於隴州稠林槎枿魔界日蹙時昭義劉公邕在普潤息女出家請大德具戒焉元和初豐鐘削鉅戚難跂及至三年於咸陽魏店立尊勝幢祈禩法界也其年功德使請住安國寺尋移聖容院俾二望僧主之錫二時服各隸七

人大德一數也自長慶中寶歷末太和初皆駕幸安國寺大德導于前蹕儀形偈答不隔旒纒因詔入內夏于神龍寺太和二年來延唐寺數乎菩提恟乎禪邨泊七年冬季上弦而疾下弦而病將化之夕異香滿風體可折支其月闇維於寺北原僧年七十六僧夏五十七置幢于積祖師塔院門人神晏啓初紀日于幢其詞蔚然矣門人律大德智文其行惟肖門人契元駕說者也大德設臬元構心跡規矩若日出于湯谷

至于昆吾是謂正中其徒化之賓賓然不差淨
觸噫大德之去佛日虞泉矣門人興善寺實相
上人惡俗決疣顛處塵外嗣師之志以成式腹
笥三藏請詞其德銘曰

汗汗元流導于港溝覺路坦夷踰麇其軻燧明
厚夜月白東晷由之不懈二乘其軹惟宣斯述
惟寂斯紹偃盤樛枉影直其表性苦擢筠猥寒
聳冰珠數絕貫衣持壞塍志完海囊爲正法朋
隄防意地林援不騰瞻荀惟嗅多羅不斷鳴癡

翼慧無明破外燼其業莠弦厥乘緩駛絕中流
平漚挾渾一雨濯枝嵐飈鼓翰偈古雲碧庭秋
桂丹群木繩方衆景圭端資糧趺跣長途僅半
脩然而往慧曦晚晚卯樹螭實柰萎霜苑甚垢
斯淳衆縛斯蠶覺源跂醮大宅灾燁迪毫詎昏
品蓮詎凋行著高石劫窮不消

少華山樹

闕一字

僧无可書

處士顧元篆額

刻玉冊官李郢刻字

右碑段成式撰自云腹笥三藏信乎其腹

笥三歲矣顧士大夫為僧作誌銘而但取
 浮屠之說彙以成文其卑卑者豈獨在文
 體耶成式之言多非余所知余亦不必求
 其知也而僧无可書則勁健可喜亦當時
 之善學柳書者甲寅三月趙琴士識

唐圭峯傳法碑

唐故圭峯定慧禪師傳法碑 并序 金紫光祿

大夫守中書侍郎兼戶部尚書同中書門下平
 章事充集賢殿大學士裴休撰并書 金紫光
 祿大夫守工部尚書上柱國河東郡開國公食
 邑二千戶柳公權篆額

圭峯禪師号宗密姓何氏果州西充縣人釋迦
 如來三十九代法孫也釋迦如來在世八十年
 為無量人天聲聞菩薩說五戒八戒大小乘戒

四諦十二緣起六波羅蜜四無量心三明六通
三十七品十力四無畏十八不共法世諦第一
義諦無量諸解脫三昧愍持門菩提涅槃常住
法性莊嚴佛土成就衆生度天人教菩薩一切
妙道可謂廣大周密廓法界於無疆徹性海於
無際權實頓漸無遺事矣寂後獨以法眼付大
迦葉今祖祖相傳別行於世非私於迦葉而外
人天聲聞菩薩也願此法衆生之本源諸佛之
所證超一切理離一切相不可以言語智識有

無隱顯推求而得但心心相印印印相契使自
證知光明受用而已自迦葉至達摩凡二十八
世達摩傳可可傳璨璨傳信信傳忍爲五祖又
傳融爲牛頭宗忍傳能爲六祖又傳秀爲北宗
能傳會爲荷澤宗荷澤於宗爲七祖又傳讓讓
傳馬馬於其法爲江西宗荷澤傳磁州如如傳
荆南張張傳遂州圓又傳東京照圓傳大師大
師於荷澤爲五世於達摩爲十一世於迦葉爲
三十八世其法宗之系也如此大師本豪家少

通儒書欲干世以活生靈偶謁遂州遂州未與
語退遊徒中見其儼然若思而無念朗然若照
而無覺欣然慕之遂削染受教道成乃謁荆南
荆南曰傳教人也當盛於帝都復謁東京照照
曰菩薩人也誰能識之後謁上都花嚴觀觀曰
毗盧花藏能隨我遊者其汝乎初在蜀因齋次
受經得圓覺十二章深達義趣遂傳圓覺在漢
上因病僧付花嚴句義未嘗聽受遂講花嚴自
後乃著圓覺花嚴及涅槃金剛起信唯識孟蘭

法界觀行願經等疏抄及法義類例禮懺脩證
圖傳纂略又集諸宗禪言爲禪藏摠而叙之并
酬答書偈議論等凡九十餘卷皆本一心而貫
諸法顯真體而融事理超羣有於對待真物我
而獨運矣議者以大師不守禪行而廣講經論
遊名邑大都以興建爲務乃爲多聞之所役乎
豈聲利之所未忘乎嘻議者焉知大道之所趣
哉夫一心者万法之摠也分而爲戒定慧開而
爲六度散而爲万行万行未嘗非一心一心未

嘗違万行禪者六度之一耳何能摠諸法哉且
如來以法眼付迦葉不以法行故自心而證者
爲法隨願而起者爲行未必字闕一同也然則一
心者万法之所生而不屬於万法得之者則於
法自在矣見之者則於教無礙矣本非法不可
以法說本非教不可以教傳豈可以軌跡而尋
哉自迦葉至富那奢凡十祖皆羅漢所度亦羅
漢馬鳴龍樹提婆天親始開摩訶衍著論釋經
摧滅外道爲菩薩唱首而尊者闍夜獨以戒力

爲威神尊者摩羅獨以苦行爲道跡其他諸祖
或廣行法教或專心禪寂或蟬蛻而去或火化
而滅或攀樹以示終或受害而償債是乃法必
同而行不必同也且循轍跡者非善行守規墨
者非善巧不迅疾無以爲大牛不超過無以爲
大士故大師之爲道也以知見爲妙門寂靜爲
正味慈忍爲甲盾慧斷爲劒矛破內魔之高壘
陷外賊之堅陣鎮撫邪雜解釋縲籠遇窮子則
叱而使歸其家見貧女則訶而使照其室窮子

不歸貧女不富吾師耻之三乘不興四分不振
吾師耻之忠孝不並化荷擔不勝任吾師耻之
避名滯相匿我增慢吾師耻之故遑遑於濟扶
汲汲於開誘不以一行自高不以一德自聳人
有依歸者不俟請則往矣有求益者不俟憤則
啓矣雖童幼不簡於敬接雖驚恨不怠於叩勵
其以闡教度生助國家之化也如此故親大師
之法者貪則施暴則斂剛則隨戾則順昏則開
墮則奮自榮者慊自堅者化徇私者公溺情者

義凡士俗有捨其家與妻子同入其法分寺而
居者有變活業絕血食持戒法起家爲近住者
有出而脩政理以救疾苦爲道者有退而奉父
母以豐供養爲行者其餘憧憧而來欣欣而去
揚袂而至實腹而歸所在甚衆不可以紀真如
來付囑之菩薩衆生不請之良友其四依之人
乎其十地之人乎吾不識其境界庭宇之廣狹
深淺矣議者又焉知大道之所趣哉大師以建
中元年生於世元和二年卽心於圓和尚又受

具於拯律師大和二年慶成節徵入內殿問法
要賜紫方袍爲大德尋請歸山會昌元年正月
六日聖滅於興福塔院儼然如生容貞益悅七
日而後遷於函其自證之力可知矣其月二十
二日道俗等奉全身于圭峯二月十三日茶毗
初得舍利數十粒明白潤大後門人泣而求諸
煨中必得而歸今悉斂而藏于石室其無緣之
慈可知矣俗歲六十二僧臘三十四遺戒深明
形質不可以久駐而真靈永劫以長存乃知化

者無常存者是我死後舉施虫犬焚其骨而散
之勿墓勿塔勿悲慕以亂禪觀每清明上山必
講道七日而後去其餘住持法行皆有儀則違
者非我弟子今皇帝再闡真宗追謚定慧禪師
青蓮之塔則塔不可以不建石不可以不斲且
使其教自爲一宗而學者有所標仰也門人達
者甚衆皆明如來知見而善說法要或巖穴而
息念或都會而傳教或斷臂以酬德或白衣以
淪跡其餘一礼而悟道終身而守護者僧尼四

衆數千百人得其氏族道行可傳於後者紀於別傳休與大師於法爲昆仲於義爲交友於恩爲善知識於教爲內外護故得詳而叙之他人則不詳銘曰

如來知見大事因緣祖祖相承燈燈相燃分光並照顯說密傳摧邪破魔證聖登賢漸之者入頓之者全執紹執興圭峯在焉甚大慈悲不捨周旋以引以翼恐迷恐顛直示心宗傍羅義筌廣收遠取無弃無捐金湯魔城株杌情田銷竭

芟伐大道坦然功高覺場會盛法筵不染而住淤泥青蓮性無去來運有推遷順世而歎衆生

可憐風號

闕一字

野

闕六字

而去溺者誰前巖崖荆

榛阻絕危懸輕錫而過踏者誰肩不有極慈孰能後先吾師何處復建槁舩法指一靈徒餘三千無負法恩永以軋軋

上闕

尉字

闕二字

街功德使驃騎大將軍行內侍省內

謁者監

闕六字

食邑三千戶王元宥施碑石大中

七年正月十五日兼奏請塔額謚号當日

下闕

上尉兼右街功德使驃騎大將軍行右驍衛上將軍知內侍省事上柱國晉闕一公闕一邑三字


闕二王元省施碑石王元省施碑題名兩行不知何意列銜亦小不同

大中九年十月十三日建 鐫玉册官郃建初

刻字

裴公美身為宰相而佞佛太過後之輯釋氏書者至收之法嗣之列雖云借重可謂辱矣舊史稱公善為文長於書翰自成筆法今按此碑果然蓋歐陽通王紹宗之流

亞也余少從舅氏翟雲樓先生受句讀授此搨以習書而不能好也輒棄去隨俗作字既乃以閱金石文之多稍識用筆心始悔焉而力不能及矣雲樓先生諱夢青字燕符能文工書尤善畫竹人得其尺楮寸縑者以為寶今棄世十餘年矣因錄此碑不勝慨然嘉慶二年三月趙紹祖識



唐韓昶自為墓誌銘

唐故朝議郎檢校尚書戶部郎中兼襄州別駕

上柱國韓昶自為墓誌銘 并序

昌黎韓昶字 闕一 之傳在國史生苻之苻離小

名曰苻幼而就學性寡言笑不為兒戲不能聞

記書至年長不能通誦得三五百 字闕一 為同學

所笑至六七歲未解把筆書字即是性好文字

出言成文不同他人所為張籍奇之為授詩時

季十餘歲日通一卷籍大奇之試授諸童皆不

及之能以所聞曲問其義籍往往不能答受詩
未通兩三卷便自爲詩及年十一二樊宗師大
竒之宗師文學爲人之師又體與常人不同昶
讀慕之一旦爲文宗師大竒其文中字或出於
經史之外樊讀不能通稍長愛進士及第見進
士所爲之文與樊不同遂改體就之欲中其彙
年至二十五及第釋褐柳公公綽鎮邠辟之試
宏文館校書郎相國竇公易直辟爲襄州從事
授書如前旋除高陵尉集賢殿校理又遷度支

監察拜左拾遺好直言一日上疏或過二三文
字之體與同官異文宗皇帝大用其言不通人
事氣直不樂者或終年不與之語因與俗乖不
得官相國牛公僧孺鎮襄陽以殿中加支使旋
拜秘書省著作郎遷國子博士因久寄襄陽以
祿養爲願除別駕檢校戶部郎中大中九年六月三
授襄陽別駕檢校戶部郎中大中九年六月三
日寢疾八日終於任年五十七其年十二月十
五日葬孟州河陽縣

闕字

一村娶京兆韋放女有


男五人曰緯前復州叅軍次曰綰曰緄曰綺曰
統舉進士女四人曰茱曰谿曰當曰闕一在室

曾祖叡素朝散大夫桂州長史祖仲卿秘書省
秘書郎贈尚書左僕射父愈吏部侍郎贈禮部
尚書謚曰文公銘曰

噫韓子噫韓子世以昧昧為賢而白黑分眾以
委委為道而曲直辨生有志而卒不能就豈命
也夫豈命也夫 孤子闕一書并篆

此韓昶自為墓誌銘氣促語滯略無倫敘

昶棄其家學而學樊宗師又不能竟學而
改從俗學以取進士宜其文之不能至于
如此也然昶之歷官行事頗見於此可以
補史氏之闕又昌黎集有苻讀書城南詩
後之註者雖亦疑苻為昶之小字而紛紛
取證不能一決今讀此誌云生苻之苻離
小名曰苻為之釋然快也乾隆癸丑六月
趙紹祖識



唐霍夫人墓誌

唐故劉氏太原縣君霍夫人墓

闕一銘并序

朝散大夫前守彭王府諮議叅軍上柱國周遇撰

天地之大德曰生剛柔之毓質曰性盛衰相攻存亡凌替理達希夷之旨竟歸終極之原至若生有令淑而顯茂則紀述而銘焉有唐故銀青光祿大夫行內侍省內寺伯致仕彭城郡開國劉公夫人霍氏世系文之韶也當周之興封建

子弟因而氏焉其後代變時移今爲京兆居人也皇父晟將仕郎守家令寺藏署丞公孝履資身恪勤蒞事歷官秩而益著勤瘁之名奉春儲而出納之功無恡幸以慶鍾德門是生愛女夫人即丞公之長女也夫人幼聞詩禮早肅端姿齋潔持心溫柔飾性霜松比操寒竹孤貞閨門悅懌之儀晨昏問安之禮皆主之矣榛栗告循將移他族遂適彭城公百兩之後一與之齊嚴奉舅姑敬戚族服澣濯之衣儉而達禮遵婉

婉之教婦道日新飾其德而不飾其容嚴其家而不嚴其身名同夫貴德與家崇寵錫降封太原華邑昔公謂曰我以代傳鍾鼎門蔭蟬聯先開府秉左廣之權吾令弟統右謹之帥朱紫赫奕棣萼鱗敷者四人而悉忠於國孝於家學大戴禮諷毛氏詩堅白自持秋毫無隱功脩史冊銘在景彙戒滿盈而慕冲謙弃軒冕而好踈逸功與名皆全矣而思內則雍穆吾心至矣夫人結褵作配卅二年履正居中其道益彰泊浙右

歸闕累移星歲頓攝乖宜寤成沉痾夫人侍執湯藥饁奉飲膳所舉者無不親嘗不顧寒暄不離座隅日月迭居近于二載夫人自此憂患亦已成疾先常侍奄從薨逝祭祀蒸嘗不失如在之敬至於卜遠之日疾將就枕諸孤曰違裕若是豈在力任夫人曰吾逝生死同塵何愛身命一聞泉壤永爲終天但無虧於節義豈望苟自偷安踴哭而往畢遂其志爾來日邁綿綴針醫不減遽至彌留以大中九年十一月十八日終

于來庭里之私第享年五十七嗚呼人之所貴者福與壽積善既昧於徵應隙光難駐其簷楹青春路遙白日將謝粧樓儼設玉匣漸見其塵封輕影忽飛夜臺已知其息處有子三人嗣曰復禮威遠軍監軍使行內侍省內僕局丞賜緋魚袋仲曰全禮內侍省內府局丞充內養季曰仲禮皆才聞五美學贍三冬孝敬承家忠貞蘊志搃戎而禮遵約法專對而辯注懸河自鍾艱疾如毒銜哀泣血絕漿罔顧晨夕因心之孝與

報其劬勞思養之情徒悲於風樹以明年正月廿九日祔葬于萬年縣龍首鄉先常侍塋西禮也遇奉命叙述敬爲銘曰

夫人懿德蘊其明識端姿潔朗惠質柔直上循內範容無外飾玉鏡孤光珉璫潤色問名成禮作合君子四德道隆九族稱美門崇鼎列功高嶽峙澤及華封輝光青史雲路碧落霜折瓊技其往如慕其返如疑龍首之埤滙川之滄魂遊九原與君同歸

唐之宦官有權位者則得娶婦而遇慄士竒材則養以爲子夫宦豎之人虛以形勢威侮良家此後漢劉瑜周舉所爲頌言唐乃踵之而不禁可爲寒心而仇士良請以開府蔭其子爲千牛李中敏批曰開府階固宜蔭子謁者監何由得兒一時以爲快也此霍夫人者寺伯劉某之妻唐制內侍省官有內侍有內常侍有內謁者監內給事有謁者有典引有寺伯寺人又有五局

局有令有丞而以內侍爲之長劉某碑不
著其名官祇寺伯度非有權要不過一平
常宦者耳而亦得娶令族有子三試爲想
其赫濯者其豪橫當更何如也撰者周遇
文特枯索而文之昭也作文之韶誤甚癸
丑三月琴士識

唐劉遵禮墓誌銘

唐故內莊宅使銀青光祿大夫行內侍省內侍
員外置同正員上柱國彭城縣開國子食邑五
百戶賜紫金魚袋贈左監門衛大將軍劉公墓
誌銘 并序
翰林承旨學士將仕郎守尚書戶
部侍郎知制誥賜紫金魚袋劉瞻撰

公諱遵禮字魯卿帝堯垂裔實分受姓之初隆
漢敦興更表昌宗之盛靈源弥遠瑞慶斯長史
不絕書代稱其德曾祖諱英皇任游擊將軍守

左武衛翊府中郎將韜鈴奧術倜儻竒材運阨當年位不及量僖伯有後累生英賢烈祖諱宏規皇任左神策軍護軍中尉特進行左武衛上將軍知內侍省事贈開府儀同三司揚州大都督沛國公佐佑累朝出入貴仕文經武略茂緒嘉庸誓著山河勲銘金石訓傳令嗣慶集德門即今開府儀同三司內侍監致仕徐國公名行深也公即開府第五子穎悟於齠齻溫克於童蒙孝敬自稟於生知忠恪允符於夙習爰當妙

齒即履宦途以寶歷二年入仕重位要權爭用爲寮案資鴻漸之勢俟麟角之成雍容令圖遜讓美秩開成五年方賜綠授將仕郎掖庭局宮教博士充宣徽庫家地密務殷選清材稱舉止有裕階資漸登會昌元年授登仕郎四年授承務郎常在禁闈日奉宸扆皆貴游之子弟爲顯仕之梯媒清切無倫親闕一少比特加命服仍領太醫六年賜服銀朱加供奉官轉徵仕郎內僕局令充監醫官院使親承顧問莫厚於宣徽

榮耀服章無加於紫綬其年六月授宣義郎改充宣徽北院使十一月賜紫金魚袋階秩表仕進之績爵邑列恩寵之榮既屬上材因降優命大中二年授朝散大夫彭城縣開國子食邑五百戶密侍右遷樞軸脩選邊防經制才略所先公論咸推帝命惟允五年改充宣徽南院使尋兼充京西京北制置堡戍使壇塲設備今古重難俾無奔突之虞用致煙塵之息凡所更作大叶機宜與能疇勞換職進秩其年使迴改大盈庫使旋授宮闈局令夫良弓勁矢武衛戎裝噐号魚文名掩繁弱帑之貯進御是須多資峻嚴以縮要重七年改內弓箭庫使又以上田甲第職駁吏繁禁省之中号爲難理苟非利刃寧惣劇權八年改內莊宅使出護戎機實爲重寄受歷試之選膺貞律之求爰以周通遂俞推擇九年改充海監軍使共綏武旅旁協師臣儻非其材亦罕濟用雅聞懿績更莅雄藩十二年改鄆州監軍使出入之宜勞逸是繫履踐之美重

沓爲優十三年赴闕明年授營幕使其年再領
弓箭庫使咸通元年十二月轉掖庭令雲螭注
產驥子龍孫當星馳電逸之場列中皂內閑之
藉寶鞭玉勒足踈首驤繫於伯樂之知懸在伏
波之式鑿精事重匪易其人三年遂授內飛龍
使休聲益暢睿渥弼敷進於崇班示以懋賞四
年授內侍省內侍地控西陲任當戎事思得妙
略異絕邊虞五年改邠寧監軍外展殊勲內缺
要務人思舊政主治新恩七年復拜內莊宅使
願遇益隆兢謹愈至將申大用先命崇階八年
授銀青光祿大夫嗚呼得君逢時材長數促性
命之際賢哲莫窮咸通九年孟夏遘疾優旨許
歸就鑿藥鍼砭無及湯劑徒施莫逢西域之靈
香遽歎東流之逝水以其年六月十四日薨於
來庭里私第享年五十三八月五日詔贈左監
門衛大將軍竊惟開府以仁誼承家用忠貞事
主德齊嵩華量廣滄溟便蕃顯榮洋溢功業掌
鈞衡則弼縫大政縮戎務則訓齊全師勤以奉


公寬而濟衆書于史冊播在朝庭故得朱紫盈門輝光滿目公之仲季時少比倫並以出人之材各奉趨庭之訓優秩佳職後弟前兄而公不享遐齡豈神之孤衆望也是以開府惋惜軼極悲懷夫人咸陽縣君田氏四德咸臻六姻共仰婦道克順母儀聿脩有子四人長曰重易給事郎內侍省內府局丞次曰重膺宣徽庫家登仁郎內侍省奚官局丞又其次曰重益曰重則並已賜綠皆以孝愛由已明敏居心在公處私克守訓範以似以續家肥國華今則喪過乎哀憊焉在疚宅兆既卜日月有時十一月八日銜哀奉喪窆于萬年縣崇義鄉澆川西原禮也佳城永闕昭代長違生也有涯前距百齡纔及半死如可作後游九原當與歸瞻叨職內廷特承宗頤刊刻期於不朽叙述固以無私銘曰積德之孫大勲之嗣允文允武有材有位既遇明時將膺寵寄樞機之任咫尺而至命不副才期而爽遂崇崇德門僦僦令子垂裕後昆流千

萬祀

中散大夫前左金吾衛長史兼監察御史崔筠
書并篆蓋

鐫玉冊官邵建初刻

右劉遵禮墓誌劉瞻撰文頗流麗崔筠書
亦饒有柳意然瞻以學士負宰相之望而
爲宦寺作誌乃云九原與歸不亦過乎文
稱遵禮爲劉行深之第五子按舊唐書僖
宗即位左軍中尉劉行深右軍中尉韓文
約居中執政並封國公乾符四年以開府
行內侍監致仕劉行深爲內侍省觀軍容
守內侍監致仕此碑立於咸通九年而已
云致仕徐國公則封公不待僖宗即位之
後而在咸通時亦嘗致仕矣乾隆乙巳十
二月琴士趙紹祖識



唐孔溫裕脩孔子廟碑

新修曲阜縣文宣王廟記攝鄆曹濮等州館驛巡官鄉貢進士賈防撰

皇帝御寓之十年歲在己丑夫子三十九代孫魯國公節鎮汶陽之三載秋霜共凜冬日均和里閭無桴鼓之聲耆艾有袴襦之詠道已清矣政已成矣於是瞻故鄉以徘徊想廟貌而怊悵乃謂僚佐曰伊予聖祖寔號儒宗英靈始謝於衰周德教方隆於大漢爰因舊宅是構靈祠粵

自國朝屢加崇飾文棖繡楠雖留藻繪之功日
往月來頗有傾摧之勢故老動淒涼之思諸生

與嗟歎之音今忝鎮東平幸邇鄉里雖無由展

敬而敢忘修營既而陳請以私俸膏飾由是

字庀事飾舊加新浹旬之間其功乃就門連歸

德先分數仞之墻殿接靈光重見獨存之狀睟

容穆若更表溫恭列侍儼然如將請益丹楹對

聳還疑夢奠之時素壁高標宛是藏書之後槐

影疎而市晚杏枝暗而壇孤不假大夫幽蘭自

滿無煩太守剌草全除稷門之舊業俄興闕里

之清風再起既可以傳芳萬古亦可以作範一

時且開闢以來霸王之道言其德也莫踰於湯

武語其功也莫尚於桓文墳土未乾而邱壠已

平子孫縱存而蒸嘗悉絕夫子無尺寸之地微

一旅之衆修仁義者取爲規矩肆強梁者莫不

欽崇生有厄於棲遲沒居尊於南面而樵蘓莫

採廟貌常存道德相承簪裾不絕則夫子之道

闕一可彰於積善魯公之德實無愧於聿脩防

目覩靈縱躬尋盛績仰聖姿而如在歎休烈而
難名承命紀功讓不獲已刻諸貞石深愧菲才
謹記

請脩兗州曲阜縣文宣王廟

右鄆曹濮等州觀察使孔溫裕奏伏以禮樂儒
學教化根本百王取則千古傳風國朝宏闡文
明遵尚祀典不違古制大振皇猷今曲阜縣乃
魯國故都文宣廟乃素王舊宅興儒之地孕聖
之邦所宜廟宇精嚴禮物具舉近者以兗州頻
年災歉都廢修營從瞻數仞之墻纔識兩楹之
位雖春秋無闕於釋奠而揖讓頗紊於彝章遂
使金石之音靡聞於盼響俎豆之設常列於荒
蕪聖域儒門豈宜堙墜臣忝爲遠裔叨領重藩
咫尺家鄉拘限戎鎮望闕里闕一而無由展敬
瞻廟貌而有願興功臣今差人賫持料錢就兗
州據廟宇傾廢處都令修葺皆自支費不擾州
縣所闕一獲遂幽懇克申私誠伏緣兗州非臣
本界須有申奏伏乞天恩允臣所請無任惓迫

屏營之至謹具如前

中書門下牒鄆曹濮觀察使

牒奉勅鄒魯故鄉俎豆遺教文武之道未墜於

地溫裕雖持戎律宛有家風屬兵車之方殷飾

聖門以宏教墻新數仞廟設兩楹盡出私財不

煩公用綽有餘裕益見器能已賜詔嘉獎餘宜

依仍付所司牒至准勅故牒

咸通十年九月二十八日牒

咸通十一年二月十日建

碑先列賈防文次溫裕奏次中書牒勅孔

廟多漢碑故叙列畧倣其意可觀也書法

有裴柳筆意而無書者姓名溫裕孔巢父

從子戮之子也舊書巢父傳云從子戮戮

戡新書曰戮戡戡蓋據孔岑父碑正之舊

書戡傳云巢父兄岑父之子而新書畧之

以其世次已見於宰相世系表也岑父碑

今不可見故余於此記之壬子三月上巳


琴士識

唐北嶽廟李克用題字

河東節度使檢校太保同中書門下平章事隴
 西郡王李克用以幽鎮侵擾中山領蕃漢步騎
 五十萬衆親來救援與易定司空同申祈禱翌
 日過常山問罪時中和五年二月廿一日克用
 記易定節度使檢校司空王處存看題
 至三月十七日以幽州請就和斷遂却班師再
 謁睥容兼申賽謝便取飛狐路却歸河東克用
 重記

天會十二年七月六日尚書都官員外郎知
曲陽縣事高君陳摹刊

新唐書藩鎮盧龍列傳中和末李可舉約
吐渾都督赫連鐸鎮州王鎔聯和乃遣票
將李全忠率衆六萬圍易州鎔以兵攻無
極處存求援太原克用自將赴之即此事
也新舊史皆言全忠爲處存所敗懼罪合
餘衆反攻幽州可舉自燔死而此云幽州
請就和斷意全忠本蓄叛心密與處存克
用通和揚言戰敗出可舉之不意而襲之
耳不然敗亡之餘安能及此史殆不得其
實也又舊唐書中和三年制以檢校司空
王處存檢校司徒同平章事而此仍云易
定司空何耶甲寅二月琴士趙紹祖識



唐吳承泌墓誌

大唐故內樞密使特進左領軍衛上將軍知內

侍省事上柱國濮陽郡開國侯食邑一千戶食

實封一百戶吳公墓誌并序翰林學士朝議

郎守尚書司封郎中知制誥柱國賜紫金魚袋

裴庭裕撰翰林待詔朝散大夫檢校右散騎

常侍守蜀王傅兼御史大夫柱國賜紫金魚袋

闕二書

昔周文以聖德受命太伯以至仁讓王錫封于

吳因國為氏公諱承泌字希白即裔孫也魯祖
 士俛贈金紫光祿大夫內給事祖德鄜贈特進
 右領軍上將軍宣宗之朝渥恩特異出則縮兵
 符而臨巨鎮入則司劇務以闡皇猷懿宗皇帝
 將奉丕圖公時為弓箭庫使送往事居之際顯
 著忠規綴衣壓紐之時皆叅密議父全紹贈朝
 散大夫內侍省內侍公則長子也闕四王夷甫
 本天仙中人雅度清標嵇叔夜真風塵外物趨
 庭之歲穎悟過人五始窮經元闕二成闕一傳

癖三冬足用慰祖乃號於書淫百氏九流無不

闕一博而又昇高作賦納賈馬之降旗遇景裁

詩破膏劉之堅壘韜光未仕藉甚高名學書王

右軍妙傳其法受琴甘處士闕一奪其師韓開

府精擇賓寮首行羔鴈庾元規之招殷浩謝鎮

西之辟袁宏千載論交一時歸美尋以闕二昇

之班行乾符末先皇帝以郇瑕之封筦摧遺利

命公以本官充解縣闕一鹽催勘副使明如夏

日洞察秋毫每辭种嵩之金常遠劉闕一之賦

潔白無垢課最有聞搜考勾

闕一

字 盡

闕一

字 黠吏

青

闕一

赤仄充於水衡以功賜緋魚袋充解縣

催勅使尋屬關河失守盜賊驚奔銅駝

闕一

字 卧

於九衢金根去狩於三蜀公則以摧利錢寄河

中府單車往河北傳檄諸道言天子蒙塵之辱

責官司奔問之儀召彼革車期復上國遂與易

定節度使王處存同領甲兵一万七東渭橋公

奔赴行朝面奏本末先帝感其忠果錫以金章

依前充解縣摧稅使會蒲帥王重榮盡占鹽租

請贍軍伍公復歸朝闕後改充南詔禮儀副使

中輟不行中和三年充許蔡通和慰諭使下齊

之辨素優方期集事吠堯之犬正衆不克前征

朝廷罪之奪我金紫先帝幸寶雞之歲搜訪才

能召公充西院承旨却復章綬尋以疑虵未辨

鬪蟻方喧遂辭清切之班去樂林園之趣馬相

如彈琴之地揚執戟草元之亭自有高情寧拘

美爵帝重違其請便充西川宣諭使不到闕者

數歲聖上虔承大寶振起頽綱歷訪舊臣以裨

至理尋加內侍伯判內侍省內給事綜領省務
領袖廷臣張華則該博舊章黃瓊則練達故事

加內侍充學士使嚴徐論思之地枚馬闕一草

之司公以精識通才光膺是選綵綸闕一出得

以講陳鴛鷺會同靡不宴給改宣徽北院使守

右監門衛將軍濮陽郡開國伯食邑七百戶公

酷好闕二氏不茹羶飲酒宥密之地非所願也

懇讓者再三上許不奪素志方拜恩焉景福二

年改內樞密使加特進左領軍衛上將軍知內

侍省事濮陽郡開國侯食邑一千戶食實封一

百戶公素懷遠畧常切致君大用之辰納忠不

一其他柅制萬務條緝百司闕一在簡書不可

脩載乾寧二年春正月二十日薨于滻水年四

十五稟君命也冬十月一日上御札示中書門

下許公昭雪十一月二十日葬于京兆府萬年

縣滻川鄉北姚村禮也長男脩闕一次男脩睦

皆南遷未復小男脩禮葬有日公之季知象猶

子恕已以書寓門僧請銘于裴庭裕時為天子

李吳承泌碑

詞詔之臣不得辭乃緒而銘曰

泗磬豐鍾其聲不羣鸞翎鳳翼其闕三公之若

學公之好文果於盛日匡我明君一言闕二百

歲闕二聖道闕二私恩曲宣以是忠骨藏之下

泉祐我家國億萬斯年

翰林待詔正議大夫檢校左散騎常闕三兼御

史大夫上柱國賜紫金魚袋董瓌篆蓋

嗚呼唐宦者之禍烈矣至於昭宗乃欲得

而甘心焉然始斬復恭繼誅季述至緇郎

外倚全忠搆兵數歲芟除快志而唐祚隨

移社與狐而同夷蠹與木而俱盡豈不哀

哉此吳承泌者賜死於乾寧二年正月迹

其本末蓋楊復光復恭之黨而始則見擠

於田令孜繼則坐復恭之罪而見殺者也


碑有曰傳檄諸道與王處存七東渭橋則

隨復光討賊事也有曰中和三年充許蔡

通和慰諭使不克前征朝廷罪之則秦宗

權攻許州時復光已死田令孜斥復恭而

因以事并出承泌事也有曰聖上虔承大寶歷訪舊臣則復恭迎昭宗即位因復承泌事也有曰乾寧二年正月薨于澧水稟君命也則復恭以乾寧元年誅因賜承泌死事也有曰冬十月一日許公昭雪則李克用爲復恭申雪詔復其官因并復承泌事也惟景福二年復恭已叛而承泌猶加秩增食邑意承泌未有顯惡或後而始發者也碑雖諱不言復恭黨然其大畧固歷歷可尋矣考新舊唐書無承泌其人則承泌非有大權要亦非有大過惡然已至於封伯封侯食邑千戶則宦者積重之勢其可想也唐欲不亡豈可得哉壬子八月十七日琴士趙紹祖記于秦淮客舍此碑書者闕名而撰者裴庭裕宰相世系表中有此人字膺餘而未載其官十八日琴士又識



金石文鈔卷八終

旌德湯美林鐫

附刻金薤琳琅原碑目

周壇山石刻 穆王

周石鼓文 宣王

秦嶧山刻石 始皇廿六年

秦泰山刻石 無年月

秦會稽刻石 始皇卅七年

秦之罘刻石 無年月

秦琅邪臺刻石 始皇廿八年

秦詛楚文 無年月

漢魯相置孔子廟卒史碑 永興元年六月

漢魯相晨孔子廟碑 建寧元年四月

漢魯相晨孔廟後碑 建寧三年三月

漢魯相造孔廟禮器碑并碑陰 永壽三年九月

漢泰山都尉孔宙碑并碑陰 延熹七年二月

漢博陵太守孔雋碑并碑陰 建寧四年六月

漢司隸校尉魯峻碑并碑陰 熹平二年四月

漢北海相景君碑并碑陰 漢安二年八月

漢敦煌長史武斑碑 建和元年二月

漢執金吾丞武榮碑 無年月

漢荊州刺史度尚碑 永康元年

漢桂陽太守周府君碑并碑陰 熹平三年

漢衛尉衡方碑 建寧三年二月

漢酸棗令劉熊碑 無年月

漢淳于長夏承碑 建寧三年六月

漢西嶽華山廟碑 延熹四年七月

漢元儒先生婁壽碑 熹平三年正月

漢蕩陰令張君碑 中平三年二月

漢堂邑令費鳳碑 熹平六年

漢堂邑令費鳳別碑

漢溧陽長潘乾校官碑 光和四年十月

漢郎中鄭固碑 延熹元年四月

漢廬江太守范式碑 青龍三年

隋皇甫府君碑 仁壽四年貞觀初立

隋龍藏寺碑 開皇六年十二月

隋姚恭公墓誌銘 大業七年十月

隋緣果道場博塔記 大業九年

唐洛陽令鄭府君碑 久視元年六月

唐杳冥君銘 神功元年

唐郎官石記序 開元十六年七月

唐臧尚書碑 廣德元年十月

唐元靖李先生碑 大歷十二年五月

唐千福寺多寶佛塔碑 天寶十一載四月

唐顏魯公與郭僕射書 無年月

唐嵩岳少林寺碑 開元十六年七月

唐少林寺靈運禪師碑 天寶九載四月

唐少林寺戒壇銘

開元三年正月

幽州昭仁寺碑

貞觀四年十一月

唐西平郡王李公碑

太和三年四月

唐大達法師元祕碑

會昌元年十二月

唐柳公權小字清淨經

無年月

唐天台山桐柏觀頌

天寶元載三月

唐唐興寺碑

開元六年九月

唐實際寺隆闡大法師碑

天寶二載十二月

唐故太尉文貞宋公碑

大歷七年九月

唐故太尉文貞宋公碑側記

大歷十三年三月

唐達奚珣遊濟瀆記

無年月

唐濟瀆廟北海壇器物銘

貞元十三年

唐姜嫄公劉廟碑

貞元九年四月

唐伯夷叔齊二公碑

開元十三年

孔子廟堂碑

貞觀四年

破邪論序

無年月

唐邠國公功德銘

長慶二年十二月

唐顏魯公小字麻姑壇記

大歷三年

全唐文苑玉尺刻石

唐顏少保碑 建中元年七月

